



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

XLIII. Des Bischofs Friedrich von Brandenburg Ablaß für alle, welche
einem, den Leib Christi zu Kranken tragenden Priester der Marienkirche zu
Halberstadt gläubig nachfolgen, vom 2. October 1304.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

XLII. Des Bischofs Friedrich von Brandenburg Ablaß für das große Siechenhaus vor Halberstadt, vom 17. Juli 1304.

Fredericus, dei gracia Brandenburgensis ecclesie Episcopus, vniuersis christi fidelibus, quibus presens exhibebitur littera, Salutem in eo, qui est omnium vera salus. Quoniam, ut ait apostolus, omnes nos manifestari oportet ante tribunal christi reddituri de singulis rationem, que in presenti gessimus seculo, siue bona fuerint, siue mala; oportunum est, nos diem illum tremendum pia super afflictos gestantes viscera misericordie operibus preuenire nunc seminando terrena, ut exinde metentes celestia reddente domino fructum multiplicem tunc salubriter capiamus. Sane cum domui infirmorum extra muros ciuitatis halb. non suppetant ad sustentacionem eorundem proprie facultates, vniuersitatem vestram monemus, rogamus et in domino exhortamur vobis in remissionem peccaminum iniungentes, Quatinus eisdem infirmis flagello diuine correctionis in hoc seculo cesis manus vestras adiutrices porrigentes pia subsidia prebeatis. Nos enim de omnipotentis dei misericordia et beate Marie virginis beatorumque apostolorum petri et pauli suffragiis et nostra a deo nobis auctoritate data confisi omnibus vere penitentibus, contritis et confessis, que dicte domui aut infirmis inibi manentibus suas elargiti fuerint elemosinas aut qui ad capellam domus eiusdem in honore beate Katerine virginis fundatam in festis infra/cryptis, videlicet natiuitatis domini, Resurrectionis, ascensionis et penthecostes, in quatuor festiuitatibus beate virginis Marie, singulorum apostolorum Martini, Nycolai, pontificum, Katerine et Cecilie virginum, in die quoque omnium sanctorum et in commemoracione omnium animarum necnon in die dedicationis ipsius cappelle vel in anniuersario eiusdem diei et singulis diebus infra octauam et in octaua predictorum festorum causa deuocionis acceperint aut qui presbiterum cum deuocione et reuerentia corpus christi ad infirmum seu infirmos portantem fuerint insecuti Etiam quicumque Cymiterium ibidem cum oracionibus in remedium animarum, quarum corpora ibi sunt sepulta, circuierint, singulis diebus, quibus hoc fecerint, precipue in extremis laborantibus, qui facultatem suarum quicquam prefatis domui et infirmis legauerint, miserint uel mitti procurauerint, Quadraginta dies et vnam Karenam de iniunctis ipsis penitentiis misericorditer et in domino presentibus relaxamus, si dyocelani consensus acceperit et voluntas. Datum anno domini Millesimo CCC^o quarto, Sedecimo Kal. augusti, pontificatus nostri anno primo.

Nach dem Original mit 1 Siegelfragment h. N. Siechenhof zu Halberstadt No. 36 im R. Pr.-Arch. zu Magdeburg.

XLIII. Des Bischofs Friedrich von Brandenburg Ablaß für alle, welche einem, den Leib Christi zu Kranken tragenden Priester der Marienkirche zu Halberstadt gläubig nachfolgen, vom 2. October 1304.

Nos fredericus, dei gracia Brandenburgensis ecclesie Episcopus, omnibus christi fidelibus vere penitentibus et contritis, qui sacerdotem quemcumque ecclesie sancte Marie halbersta-

denfis corpus christi ad infirmos portantem cum deuocione debita secuti fuerint, Quadraginta dies et vnam Carrenam de iniunctis sibi penitentiis de omnipotentis dei misericordia et beate Marie virginis eiusdem ecclesie patrone, beatorumque petri et pauli apostolorum eius meritis et suffragiis confidentes auctoritate presencium misericorditer et in domino relaxamus, dummodo dyocesani consensus ad id accefferit et voluntas. Datum anno domini millesimo CCC° quarto, Craftino beati Remigii, pontificatus nostri anno primo.

Nach dem Original h. N. Stift St. Maria zu Halberstadt No. 302 im Königl. Prov.-Archiv zu Magdeburg.

XLIV. Markgraf Otto verzeignet dem Bischof von Brandenburg das Schloß Quersuri, am 10. Januar 1305.

In Nomine domini Amen. Otto, dei gracia Brandenburg. et de landesberg marchio, vniuersis et singulis christi fidelibus presentes litteras Inspecturis, Salutem et noticiam futurorum. Cum hominis vita breuis, Tempus vero prolixum existat et per reuolucionem temporis ceca obliuio homini excludat memoriam, nisi ea, que cum maturo aguntur consilio et deliberacione prouida autentice litteris et sigillorum Impressionibus roborentur. Hinc est, quod nos attestacione presencium publice recognoscimus et in omnium et singulorum noticiam peruenire, quod de consensu vnanimi et bona voluntate dilecti fratris nostri hinrici, necnon charissimorum patruelium nostrorum Johannis et wolmari, de Brandenburg et de landesberg Marchionum, dedimus et donauimus, damus et donamus venerabili In christo patri domino ffriderico, Brandenburgensi Episcopo, et ecclesie sue predictae proprietatem et Jus proprietatis Castrum et opidi In Quersurde cum terris et villis adjacentibus, Siluis, nemoribus, viis et Inuiis, Cultis et Incultis, pratis, pascuis molendinis et piscinis, Stagnis et paludibus cum aquarum decursibus et cum omnibus Seruiciis et Juribus vniuersis, que nobis racione dicte proprietatis et nostris heredibus seu successoribus quibuscunque possent et deberent quomodolibet prouenire In suorum progenitorum remedium animarum, Renuntiantes omni Juri ad vsus dicti domini Episcopi et sue Brandenburgensis ecclesie, quod nobis competit et hactenus competebat, promittentes eciam, quod possessionem uel quasi dicti Juris proprietatis eidem domino ffriderico nomine seu ecclesie assignabimus et trademus, prout de Jure tradenda fuerit seu eciam assignanda. Insuper promittimus factores et procuratores, quod Conradus, patruelis noster charissimus, marchio Brandenburgensis, dictam donacionem ratam et gratam habebit et eidem consentiet viua voce et suis patentibus litteris confirmabit. In huius autem donacionis nostre euidentiam pleniorum Nos Otto predictus, Nos autem Hinricus, Johannes et wolmarus, In nostri consensus euidentem testimonium presentem paginam de nostra certa scientia conscriptam eidem domino Episcopo et sue Ecclesie tradimus Sigillorum nostrorum munimine roboratam Appositis Testibus, quorum nomina subsequuntur: nobiles viri Dominus Albertus, Comes de Annholtt, Dominus Hinricus, magnopolensis, Dominus Guntzellinus, Comes de Swerin, Dominus Johannes, Comes de Guffchzo, Dominus Conradus de wardenberg,